

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

**Uunga Siunnersuut: Allagaateqarfearneq pillugu Inatsisartut inatsisaata
allanngortinneqarnera pillugu Inatsisartut inatsisaat nr. xx, xx. xxx 2019-imeersoq.
(Toqqorsiveqarfuiup toqqortaataani toqqartukkani allaaserineqaqqartut maleruagassat
allaaserineqarsimasut toqqortarineqarnissaannut aamma toqqortat inuk pillugu
paasissutissanik ilaqartut il.il. toqqortarineqartarnerannut, tunniunneqartarnerannut
atorneqartarnerannullu tunngaviusussaq)**

*(Ilinniartitaanermut, Kultureqarnermut, Ilageeqarnermut Nunanullu Allanut
Naalakkersuisoq)*

Siunnersuutip aappassaanneerneqarnerani saqqummiunneqartoq

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq suliaqarnermi kingullermi makkuninnga inuttaqarpoq:

Inatsisartunut ilaasortaq Doris J. Jensen, Siumut, Siulittaasoq
 Inatsisartunut ilaasortaq Peter Olsen, Inuit Ataqatigiit, Siulittaasup tullia
 Inatsisartunut ilaasortaq Mala Høy Kúko, Siumut
 Inatsisartunut ilaasortaq Nivi Olsen, Demokraatit
 Inatsisartunut ilaasortaq Sofia Geisler, Inuit Ataqatigiit

UKA2019-imi ulloq 4. oktober 2019 siunnersuutip siullermeerlugu oqallisigineqarnerata kingorna siunnersuut Ataatsimiititaliamit misissorneqarpoq.

1. Siunnersuutip imarisaa siunertaalu

Inatsisip atuuttup nutarterneqarnissaa siunnersuutikkut qulakkeerneqassaaq, taamaalilluni inatsisip il.il. atsiorneqarsimasut pitsaanerusumik toqqortaatigineqarnissaat periarfissinneqarluni. Tamatuma saniatigut inuit ataasiakkaat pillugit paasissutissat pillugit inatsimmut inatsit naleqqussarneqarpoq, taanna allagaateqarfearneq pillugu inatsisartut inatsisaata atuutilersinneqarnerata kingorna atuutilerluni. Naggataatigullu toqqortaatit pitsaanerusumik toqqorsimaneqartarnissaat qulakkeerniarlugu kiisalu KANUKOKA-atorunnaarsinneqarnerata kingunerisaanik arlalinnik siunnersuuteqartoqarpoq.

2. Tusarniaanermi akissutit

Tusarniaanermi akissutit inatsisisstatut siunnersuummut ilanngunneqarput, tamatumani inatsisartut siulittaasoqarfiata ilusiliinissamut piumasaqaataa malinneqarpoq.

3. Ataatsimiititaliap siunnersuummik suliarinninnera

Ataatsimiititaliap maluginiarpaa inatsisip piareersarnerani attuumassuteqartut ilaatinneqarnerat, inatsisip allanngortinniarnerani imaluunniit allanngutissatut siunnersuutigineqartunut annerusumik oqaaseqaateqassalluni pissutissaqanngitsoq nalilerneqarpoq. Ataatsimiititaliap naammagisimaarinnilluni maluginiarpaa, tusarniaanermi akissutigineqartunut Naalakkersuisut ilaliisimanerat, kiisalu assigiinngitsutigut siunnersuutaaqqaartutut missingersuutaasimasumut aaqqiissuteqarsimanagerat.

Nalinginnaasumik oqaaseqaatini ilanngussanut pitsaasunut suliarilluarneqarsimasunullu aamma aalajangersakkanut ataasiakkaanut immikkuullarissunut innersuussisoqarpoq.

4. Siunnersuutip aningaasatigut kingunerisassai

Siunnersuutip piviusunngortinneqarneratigut aningaasaqarnikkut kingunerisassai siunnersuummut nassuaatini nalinginnaasuni allaaserineqarsimapput. Taamaalilluni pisortanut allaffissornikkut kinguneqartussatut siunnersuut nalilerneqarpoq.

5. Ataatsimiititaliap inassuteqaataa

Ataatsimiititaliaq **isumaqatigiittup** siunnersuut **akuerineqassasoq** inassutigaa.

Taamatut oqaaseqarluni isumaliutissiisummilu allassimasutut paasinnillutik matumuuna siunnersuut ataatsimiititaliap aappassaaniigassanngortippaa.

Doris J. Jensen
Siulittaasoq

Peter Olsen
Siulittaasup tullia

Mala Høy Kúko

Nivi Olsen

Sofia Geisler